

| EDISI JANUARI 18 | NASKAH PERCUMA | www.unisel.edu.my | ISSN: 2289 - 523X |

BULETIN **unisel**

UNIVERSITI SELANGOR

Peneraju Transformasi

dari meja editor

CORPORATE COMMUNICATIONS

Assalamu'alaikum warahmatullahi wabarakatuh,

Syabas dan tahniah saya ucapkan kepada sidang redaksi yang telah berjaya menghasilkan Buletin UNISEL edisi Januari 2018. Terima kasih juga kepada semua pihak yang banyak memberikan kerjasama sepanjang penghasilan buletin ini.

Sidang pembaca sekalian,

Sepanjang tahun 2017, pelbagai kejayaan yang telah berjaya ditempa baik dari segi penyelidikan akademik mahupun penganjuran program-program berimpak tinggi. Sekalung tahniah juga saya ucapkan kepada Prof. Dato' Dr. Mohammad Redzuan Othman, Presiden dan Naib Canselor yang menerima anugerah Tokoh Maulidur Rasul Peringkat UNISEL 1439H dan watikah pelantikan sebagai Penolong Pesuruhjaya Kehormat (PA) sempena Seminar Kebangsaan Pasukan Angkatan Pertahanan Awam (APM) Kali Ke-6 baru-baru ini. Kesungguhan serta kegigihan beliau dalam memastikan UNISEL bergerak seiring dengan Institusi Pendidikan yang lain seharusnya dijadikan contoh dan beliau merupakan tokoh terbaik yang mampu menerajui transformasi pendidikan di negeri Selangor.

Dalam pada itu saya juga ingin mengucapkan setinggi-tinggi penghargaan dan terima kepada semua warga universiti yang telah terlibat pada penganjuran Hari Terbuka UNISEL yang telah berlangsung pada bulan Mei 2017, Ogos 2017 dan yang terkini pada bulan Disember 2017. Sesungguhnya komitmen yang ditunjukkan oleh seluruh warga universiti telah membuka mata banyak pihak akan kewujudan UNISEL disamping mempromosi universiti ini sebagai sebuah institusi pendidikan tersohor bukan sahaja di negeri Selangor malah di seantero dunia.

Harapan saya semoga tahun 2018 ini memberi satu dimensi baharu kepada semua pembaca untuk mengecapi lebih banyak kejayaan bagi mengharumkan nama Malaysia di-persada antarabangsa. Sebelum mengakhiri coretan ini, saya ingin menjemput kepada semua pembaca untuk hadir memeriahkan Hari Terbuka UNISEL 2018 yang akan berlangsung pada 16 – 18 Mac 2018 bertempat di UNISEL kampus Bestari Jaya. Pelbagai aktiviti menarik akan disediakan kepada semua pengunjung dan terbuka untuk semua. Ayuh kita bersama-sama menggegarkan bumi Bestari Jaya.

Diharapkan UNISEL akan sentiasa mendapat tempat di hati masyarakat dan bersaing dengan universiti-universiti yang seangkatan dengannya.

Sekian,

HASRIL ABU HASSAN

Ketua Editor Buletin UNISEL / Pengarah Komunikasi Korporat



sidang editorial

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

Pejabat Komunikasi Korporat
Tingkat 5, Bangunan Satelit
Jalan Zirkon A7/A, Seksyen 7
40000 Shah Alam
SELANGOR.

Tel : +603-55223420
Email : corporate@unisel.edu.my
Website : www.unisel.edu.my



Universiti Selangor

PENAUNG:

Prof Dato' Dr. Mohammad Redzuan Othman
(Presiden & Naib Canselor)

KETUA EDITOR:

Hasril Abu Hassan
(Pengarah Komunikasi Korporat)

EDITOR:

Nik Nabilah Nik Aziman
(Penolong Pengurus Komunikasi Korporat)

WARTAWAN:

Pejabat Komunikasi Korporat

FOTOGRAFI:

Pejabat Komunikasi Korporat
Media Selangor

PEMBANTU EDITORIAL:

- Hasni Mohd Noor
- Rafikah Saini
- Aiman Mudzafar Mohamad Khairi



4



9



10



13



11



12



14

KANDUNGAN

2	Dari Meja Editor
3	Isi Kandungan
4	Naib Canselor UNISEL Terima Anugerah Tokoh Maulidur Rasul Pertemuan Naib Canselor UNISEL Bersama Merve Safa Kavakçı
5	Naib Canselor UNISEL Terima Watikah APM UNISEL Raikan Penerima Anugerah Cemerlang
6	ACEBASS Hubungkan Dua Wilayah
7	UNISEL Terima Kunjungan Kumpulan Motosikal Berkuasa Berat IPK Selangor
8	UNISEL Gandakan Usaha Transformasi
9	Pandamaran Lokasi Ketiga Larian Universiti Selangor
10	UNISEL Meterai Kerjasama Pendidikan Dengan Negara China Mehmet Football Academy Sedia Jalin Kerjasama Dengan UNISEL
11	MOU Bersama PTNS, Persediaan UNISEL Hadapi Industri 4.0
12	Sekitar Hari Terbuka Mega UNISEL 2017
13	YB Elizabeth Wong Umum Peruntukan RM20 Ribu Untuk UNISEL
14	Sambutan 10 Tahun Astro Oasis di UNISEL
15	Amanat Tahun Baharu 2018 'Memacu Kecemerlangan' Disambut Baik Semua Warga UNISEL

NAIB CANSOLOR UNISEL TERIMA ANUGERAH TOKOH MAULIDUR RASUL PERINGKAT UNISEL 1439H

Seramai 700 peserta yang terdiri daripada kakitangan akademik dan pentadbiran serta persatuan pelajar Universiti Selangor (UNISEL) telah menyertai perarakan sempena Sambutan Maulidur Rasul 1439H.

Perarakan yang bermula pada jam 7 pagi itu menyaksikan penyertaan sebanyak 22 buah kontinjen terdiri daripada fakulti dan jabatan pentadbiran yang bergabung dari kedua-dua buah kampus, Bestari Jaya dan Shah Alam berarak bermula di Pusat Islam UNISEL ke Dewan Canselor UNISEL Kampus Bestari Jaya.

Acara diteruskan dengan ucapan aluan

daripada Presiden dan Naib Canselor, Prof. Dato' Dr. Mohammad Redzuan Othman. Acara turut diselangi dengan berzanji, nasyid dan selawat ke atas junjungan besar Nabi Muhammad SAW yang diketuai oleh Ustaz Abdul Rahman Ridewan, Pegawai Agama merangkap Imam 1 Masjid UNISEL.

Menerusi program yang sama, UNISEL telah menganugerahkan Anugerah Tokoh Maulidur Rasul 1439H Peringkat UNISEL kepada Prof. Dato' Dr. Mohammad Redzuan Othman atas jasa dan sumbangan beliau yang telah berjaya menaikkan nama UNISEL menerusi *tagline* Peneraju Transformasi.

Dalam pada itu, turut diadakan adalah majlis penyampaian hadiah bagi kategori Sepanduk Tercantik dan Perbarisan terbaik sempena program perarakan Maulidur Rasul. Bagi kategori Sepanduk Tercantik telah dimenangi oleh Pejabat Bendahari (Pentadbiran), Jabatan Kejuruteraan (Akademik) dan Persatuan MGAN (Persatuan Pelajar).

Manakala bagi kategori Perbarisan pula dimenangi oleh Pejabat Pendaftar (Pentadbiran), Fakulti Perniagaan dan Perakaunan (Akademik) dan Persatuan Ijazah Pengajian Islam (Persatuan Pelajar).



PERTEMUAN DENGAN MERVE SAFA KAVAKÇI

Prof. Dato' Dr. Mohammad Redzuan Othman, Presiden dan Naib Canselor UNISEL telah mengadakan pertemuan dengan bakal Duta Turki ke Malaysia, Merve Safa Kavakci di Ankara, Turki pada hujung bulan September tahun lalu. Dalam pertemuan ini, beliau sempat menyerahkan buku Islam dan Proses Politik di Turki serta buku Mengorak Langkah Menerajui Transformasi UNISEL.



NAIB CANSOLOR UNISEL TERIMA WATIKAH APM

Presiden dan Naib Canselor Universiti Selangor (UNISEL), Prof. Dato' Dr. Mohammad Redzuan Othman baru-baru ini telah menerima watikah pelantikan sebagai Penolong Pesuruhjaya Kehormat (PA) sempena Seminar Kebangsaan Pasukan Angkatan Pertahanan Awam (APM) Kali Ke-6 yang telah berlangsung

dengan jayanya di Dewan Canselor, UNISEL Kampus Bestari Jaya.

Beliau telah menerima watikah pelantikan tersebut daripada Ketua Pesuruhjaya Angkatan Pertahanan Awam Malaysia, YAS Mej. Jen. (B) Dato' KPj (PA) Azmy Yahya pada Majlis Pemakaian Pangkat dan Penyampaian Watikah Lantikan Pegawai Kehormat dan Bersekutu APM 2017.

Dalam majlis yang sama, Timbalan Naib Canselor Pembangunan Pelajar dan Jaringan Komuniti UNISEL, Prof. Dr. Shaharuddin Badaruddin turut dianugerahkan pangkat sebagai Kolonel Bersekutu (PA). Seramai 62 orang pegawai APM telah dianugerahkan pangkat sebagai Pegawai Bersekutu termasuk dua orang Pegawai Kehormat.

Dalam pada itu, UNISEL bertekad untuk melahirkan mahasiswa yang mempunyai nilai tambah menerusi Pasukan Siswa



APM UNISEL. Pasukan yang ditubuhkan pada tahun 2006 ini bukan sahaja mampu meningkatkan daya kebolehpasaran pelajar malah juga mampu melahirkan modal insan yang berkualiti dari segi akademik dan sahsiah diri.



UNISEL RAIKAN PENERIMA ANUGERAH CEMERLANG

Universiti Selangor (UNISEL) baru-baru ini telah menganjurkan Majlis Makan Malam sempena Istiadat Konvokesyen Universiti Selangor (UNISEL) kali ke-12 yang telah berlangsung di Hotel Concorde Shah Alam. Majlis diserikan lagi dengan kehadiran Y.A.D Raja Tan Sri Dato' Seri Arshad Alhaj Raja Tun Uda Alhaj, Canselor UNISEL, YB Nik Nazmi Nik Ahmad, Exco Pendidikan, Pembangunan Modal Insan, Sains, Inovasi dan Teknologi Selangor.

Majlis Makan Malam ini diadakan bagi meraikan penerima Anugerah Ijazah Kehormat Komunikasi, Dato' (Dr) Hussamuddin Hj Yaacob, penerima Anugerah Canselor, Norazly Nordin, penerima Anugerah Pengerusi,

Preyadarsni a/p Thiagarajan dan penerima Anugerah Naib Canselor, Lim Bao Man.

Dalam pada itu, UNISEL juga mengadakan majlis Anugerah Cemerlang UNISEL 2017. Anugerah ini adalah bagi menghargai staf-staf yang telah bertungkus-lumus dalam menyediakan perkhidmatan terbaik buat pelajar dan memastikan setiap program yang berlangsung di universiti berjalan lancar. Tujuh kategori dipertandingkan dan seramai 17 pemenang telah diumumkan.

Bagi kategori Staf Sokongan Terbaik dianugerahkan kepada Eleas Ikhwan dan Hasni Mohd Noor, kategori Staf Pengurusan dan Professional Terbaik (Bukan Akademik) dianugerahkan kepada

Noorliyana Mohd Tahir, Azura Mohd Awal dan Mohd Razaki Abdullah manakala kategori Pusat Tanggungjawab Terbaik (Bukan Akademik) dianugerahkan kepada Pejabat Bendahari, Pejabat Komunikasi Korporat dan Pejabat Pemasaran dan Kemasukan.

Bagi kategori Fakulti Terbaik dianugerahkan kepada Pusat Pengajian Asasi & Umum dan Fakulti Perniagaan & Perakaunan, kategori Pengajaran Terbaik dianugerahkan kepada Siti Asmahan Mohd Ali, kategori Penyelidik Cemerlang dianugerahkan kepada Prof. Madya Dr. Salina Muhamad, Dr. Maegala a/p Nallapan dan Mohamad Hafiz Rosli manakala bagi kategori Staf Akademik Terbaik pula dianugerahkan kepada Muhammad Nazir Mohammed Khalid, Soo Ruey Shing dan Prof. Madya Dr. Mohd Nazil Salleh.

Tahniah dan syabas buat semua pemenang anugerah.



ACEBASS HUBUNGKAN DUA WILAYAH

"Dunia hari ini berdepan dengan perubahan global yang tidak menentu hingga memberi kesan kepada banyak negara. Dengan mengadakan seminar seperti ini diharap dapat membuka mata banyak pihak khususnya mahasiswa," ucap Prof. Dr. Shaharuddin Badaruddin, Timbalan Naib Canselor Universiti Selangor (UNISEL) sempena ucapan pembukaan pada Majlis Perasmian "Conference on Economic, Business and Social Sciences (ACEBASS) 2017" yang berlangsung di Bank Indonesia, Padang.

Majlis perasmian dimulai dengan persembahan kebudayaan Minangkabau oleh mahasiswa

Universitas Dharma Andalas dan telah dirasmikan oleh Dr. H. Asman Abnur, Menteri Pemberdayaan Aparatur Negara dan Reformasi Birokrasi Republik Indonesia.

Turut hadir pada majlis tersebut adalah Dr. Rahmy Fahmy, Rektor Universitas Andalas, Hera Aulia, Pengerusi ACEBASS. Antara wakil daripada UNISEL yang hadir adalah Prof. Dr. Mohd Zaidi Hj Hajazi, Dekan Fakulti Pendidikan dan Sains Sosial, Prof. Madya Dr. Setyawan Widyarto, Dekan Pusat Pengajian Siswazah serta para pembentang.

Konferens ACEBASS ini berlangsung

selama satu hari bertempat di Hotel Rocky Plaza, Padang menyaksikan beberapa peserta akan membentangkan kertas kerja masing-masing yang rata-ratanya datang dari institusi pendidikan sekitar Indonesia dan Malaysia.

UNISEL dalam pada itu akan terus mengadakan kerjasama antarabangsa ini untuk mewujudkan impak baharu kepada dunia pendidikan khususnya di rantau Asia Tenggara. Dengan adanya kerjasama konstruktif ini dapat menghasilkan satu impak yang besar yang dapat melahirkan kumpulan generasi yang berbakat.



UNISEL TERIMA KUNJUNGAN KUMPULAN MOTOSIKAL BERKUASA BERAT IPK SELANGOR



Universiti Selangor (UNISEL) baru-baru ini telah menerima kunjungan daripada Kumpulan Motosikal Berkuasa Berat, Ibu Pejabat Polis Kontinjen (IPK) Selangor. Rata-rata peserta yang hadir merupakan peserta yang mengikuti Kursus Asas Motosikal Berkuasa Berat Siri 3/2017.

Rombongan seramai 35 peserta yang diketuai oleh ASP Mohd Azizan

Jamaluddin, Presiden Kursus Asas Motosikal Berkuasa Berat Siri 3/2017 dan Inspektor Mohd Khairul Mohd Yusuf, Pegawai Penyelaras Kursus Asas Motosikal Berkuasa Berat Siri 3/2017 itu telah disambut baik oleh Prof. Dato' Dr. Mohammad Redzuan Othman, Presiden dan Naib Canselor serta pengurusan tertinggi UNISEL.

Presiden dan Naib Canselor dalam



ucapan aluannya berterima kasih kepada pihak IPK Selangor kerana telah memilih UNISEL sebagai destinasi persinggahan dan kunjungan pada siri kali ini. Dalam pada itu, beliau juga mengucapkan selamat maju jaya kepada semua peserta kursus seterusnya menjadi anggota yang cekap dan beramanah dalam menjalankan tugas yang telah dipertanggungjawabkan.



UNISEL GANDAKAN USAHA TRANSFORMASI

Jika anda baru menjejakkan kaki ke Universiti Selangor (UNISEL), tanggapan pertama buat universiti ini pasti sama seperti institusi pengajian tinggi swasta (IPTS) lain yang ada di Malaysia. Namun tanggapan ini pasti akan berubah selepas mata setelah menilai sendiri keistimewaan yang ada di universiti ini. UNISEL merupakan sebuah universiti yang amat unik kerana ianya merupakan universiti pertama milik kerajaan negeri yang boleh dikatakan termaju di Malaysia. Dari segi fasiliti, lengkap tetapi apabila berbicara soal kualiti serta yurannya, UNISEL merupakan peneraju kepada semuanya dalam kelompok IPTS di Malaysia serta Selangor khususnya.

UNISEL dahulu bukan yang sekarang, fasa transformasi secara besar-besaran sedang giat diperhebatkan. Dengan keluasan kampus melebihi 1000 ekar di Bestari Jaya dan kampus satelit di Shah Alam, ternyata universiti ini mempunyai keunikannya yang tersendiri. Jika dilihat dari aspek fasiliti dan kemudahan kampus terkini, tampak seperti Institut Pengajian

Tinggi Awam (IPTA) gahnya. Tahniah buat Prof Dato' Dr. Mohammad Redzuan Othman, Presiden & Naib Canselor yang belum pun cukup dua tahun perkhidmatan tetapi telah membuktikan setiap janji serta kata-kata dengan tindakan. Hasilnya, projek pengubahsuaian sedang giat dijalankan.

Untuk itu, apa yang boleh dilihat dengan mata kasar adalah perubahan drastik di Perpustakaan kampus Bestari Jaya. Jika dahulu pihak universiti sentiasa mendapat aduan berkenaan masalah pendingin hawa yang tidak berfungsi. Namun kini, dengan adanya projek pemasangan chiller baharu telah berjaya menyelesaikan masalah tersebut. Perpustakaan yang berkeluasan 136,600 kaki persegi ini merupakan antara perpustakaan universiti terbesar di Malaysia dan beberapa pembaharuan sedang giat dijalankan disana antaranya pemasangan gazebo dan ruang arkib demi menyediakan kemudahan serta fasiliti terbaik bukan sahaja kepada para pelajar malahan pengunjung luar.

Tambah menarik, UNISEL memperhebatkan lagi proses transformasi secara besar-besaran dengan memberikan wajah baharu kepada kesemua fakulti. Apa yang dapat dikongsikan semasa rangka lawatan tapak baru-baru ini, kebanyakan fakulti telah 70% berubah daripada wajah asalnya. Kebanyakan fakulti sudah bertukar warna supaya lebih ceria dari sebelum ini. Bilik kuliah dan bilik pensyarah juga diubahsuai. Antara yang menjadi tumpuan semasa lawatan adalah proses pengubahsuaian Dewan Kuliah 2 (LT2) yang terletak di Fakulti Pendidikan dan Sains Sosial. Dewan kuliah tersebut diubah secara keseluruhan termasuklah pemasangan pendingin hawa baharu dan juga penambahan kerusi baharu.



Tidak cukup dengan itu, Jabatan Seni Visual juga bakal mendapat bangunan baharu yang juga sedang giat diubahsuai daripada Pusat Pelajar sebelum ini. Bangunan yang berkeluasan 1220 kaki persegi itu akan menjadi sebuah fakulti yang bakal dihiasi dengan dewan kuliah, makmal fotografi, studio melukis dan juga galeri yang akan menempatkan hasil karya seni dengan kelengkapan terkini. Hebat memang hebat, dan semua projek ini akan direalisasikan selewat-lewatnya penghujung tahun ini kerana mahu memberi gambaran transformasi kepada pelajar serta ibubapa yang hadir sempena kemasukan Januari dan Februari 2018.



UNISEL Bestari Jaya



UNISEL Shah Alam





PANDAMARAN LOKASI KETIGA LARIAN UNIVERSITI SELANGOR



Dalam menjana masyarakat yang sihat dan cerdas, Universiti Selangor (UNISEL) buat kali keempat berturut-turut dengan kerjasama Jawatankuasa Tetap Pendidikan, Pembangunan Modal Insan, Sains, Teknologi dan Inovasi Selangor sekali lagi telah menganjurkan acara Larian UNISEL 2017.

"Jika kita lihat pada *trend* sekarang, masyarakat Malaysia khususnya Selangor amat teruja dengan acara larian seperti marathon mahupun *'fun run'*. Pelbagai acara larian telah dianjurkan oleh pelbagai pihak dan oleh sebab itu juga,

sebagai sebuah institusi pendidikan tinggi yang cemerlang, pihak universiti juga tidak melepaskan peluang untuk turut sama mengadakan program larian seperti ini," ujar En Noor Azman Kamal, Pengarah Pemasaran dan Kemasukan UNISEL.

Menurut beliau lagi, acara larian ini juga merupakan satu medan bagi memperkenalkan universiti kepada masyarakat dan juga platform untuk menyalurkan maklumat berkenaan pendidikan dan hala tuju pelajar khususnya disamping menggalakkan orang ramai untuk bersukan. Kebanyakan

peserta yang hadir pada hari ini merupakan pengikut setia larian ini dari siri pertama sehinggalah ke siri keempat penganjuran.

Kompleks Sukan Pandamaran Klang ini telah menjadi lokasi ketiga Larian Universiti Selangor (UNISEL) yang telah menjengah siri keempat larian. Siri pertama larian telah berlangsung di Sepang pada bulan Mac yang lepas manakala siri kedua dan ketiga pula telah berlangsung pada bulan Mei dan Ogos bertempat di UNISEL Kampus Shah Alam sempena Hari Terbuka UNISEL.



UNISEL METERAI KERJASAMA PENDIDIKAN DENGAN NEGARA CHINA

Susunan lawatan pengurusan tertinggi Universiti Selangor (UNISEL) yang diketuai oleh Y.Bhg Presiden dan Naib Canselor, Prof. Dato' Dr. Mohammad Redzuan Othman ke China baru-baru ini, UNISEL mengalu-alukan lawatan balas delegasi daripada Guangdong Polytechnic Normal University (GPU) sempena Majlis Menandatangani Memorandum Persefahaman bagi kedua-dua belah pihak.

Perjanjian persefahaman itu dimeterai

bagi membuka peluang kerjasama antara UNISEL dan GPU terutama sekali dalam membangunkan bidang Pendidikan serta Latihan Teknikal dan Vokasional (TVET). Kemahiran dan kepakaran yang dimiliki oleh GPU akan menjadi rujukan para pensyarah UNISEL dalam usaha meningkatkan kualiti pendidikan negeri Selangor ke arah yang lebih cemerlang.

Delegasi dari negara China diketuai oleh Presiden GPU, Prof. Guo Jie dan Pengarah International Exchange and



MEHMET FOOTBALL ACADEMY SEDIA JALIN KERJASAMA DENGAN UNISEL

Perjanjian persefahaman yang dimeterai antara Universiti Selangor (UNISEL) dengan Mehmet Football Academy merupakan jalinan kerjasama dalam memastikan atlet-atlet diberi kemudahan belajar yang fleksibel.

"Melihat kepada perspektif program Diploma Pengurusan Industri Sukan yang ditawarkan di UNISEL, kita akan bekerjasama dengan Mehmet Football

Academy dalam menyumbang dan menyediakan platform akademik bagi pembangunan industri sukan bola sepak Malaysia," ujar Prof. Dato' Dr. Mohammad Redzuan Othman, Presiden dan Naib Canselor.

Majlis Menandatangani Perjanjian Persefahaman ini telah disempurnakan oleh Y.Bhg Presiden dan Naib Canselor bagi pihak UNISEL manakala bagi pihak

Mehmet Durakovic bagi pihak Mehmet Football Academy.

Diharap dengan jalinan kerjasama ini, kedua-dua pihak dapat menyumbang kepada kecemerlangan sukan disamping membuka ruang seluas-luasnya kepada atlet bola sepak untuk melanjutkan pengajian mereka di UNISEL.



Coproration, Prof. Chen Haohai dalam pada itu mengambil peluang untuk melawat kedua-dua buah kampus UNISEL yang teletak di Shah Alam dan Bestari Jaya.

Dalam pada itu, UNISEL juga menerima kunjungan balas daripada Universiti Jinan, China menerusi Majlis Memorandum Perjanjian kerjasama dalam bidang pendidikan dan kajian ilmiah. Hadir sama pada majlis tersebut adalah YB Elizabeth Wong, Pengerusi Jawatankuasa Tetap Pelancongan, Alam Sekitar, Teknologi Hijau dan Hal Ehwal Pengguna Selangor.



MOU BERSAMA PTNS, PERSEDIAAN UNISEL HADAPI INDUSTRI 4.0

Bagi menghadapi Industri 4.0 atau Revolusi Perindustrian Keempat yang amat menekankan aspek kemajuan internet dan kesinambungan teknologi maklumat, Universiti Selangor (UNISEL) tekad mencari alternatif baharu dalam memastikan bidang pendidikan awal kanak-kanak akan sentiasa beredar mengikut masa dan keperluan. Kerjasama di antara UNISEL dan Persatuan Taska Negeri Selangor (PTNS) bukan sahaja memberi manfaat kepada kedua-dua belah pihak malahan juga kepada masyarakat setempat.

"Umum dapat melihat, suasana pendidikan pada hari ini amat mencabar. Ibu bapa zaman sekarang lebih mahukan anak-anak mereka mampu mendalami pelbagai bahasa di peringkat awal dan

kadangkala ibu bapa lupa mereka telah mengabaikan peluang anak-anak untuk menikmati zaman kanak-kanak mereka. Dengan adanya kerjasama ini, kita ingin menyediakan program-program yang melahirkan satu suasana baharu dalam pendidikan awal kanak-kanak," ujar Prof. Dato' Dr. Mohammad Redzuan Othman, Presiden dan Naib Canselor UNISEL pada Majlis Menandatangani Memorandum Persefahaman diantara UNISEL dan PTNS.

Usahasama ini adalah untuk menyediakan ruang perkongsian di antara UNISEL dan PTNS. Di UNISEL, pembelajaran lebih menekankan aspek akademik dan kerjasama dengan PTNS ini akan memberikan lebih pendedahan di lapangan dan pembelajaran secara praktikal. Majlis tersebut telah

berlangsung di Bilik Mesyuarat Senat, UNISEL kampus Shah Alam dan dihadiri oleh Puan Mahanom Binti Basri, Presiden PTNS, pengurusan tertinggi universiti serta beberapa wakil daripada PTNS.



HARI TERBUKA MEGA UNISEL 2017

Penutup bagi tahun 2017 dihiasi dengan Hari Terbuka Mega UNISEL 2017 yang telah berlangsung dengan jayanya di UNISEL Kampus Bestari Jaya. Kehadiran lebih 30,000 pengunjung, memeriahkan lagi program yang berlangsung selama tiga hari bermula 1 hingga 3 Disember 2017. Perkara yang lebih menarik, peng-anjuran Hari Terbuka pada kali ini adalah dengan skala yang lebih besar

dan melibatkan kesemua jabatan dan fakulti. Pelbagai pengisian menarik telah dibawakan bagi memberi peluang kepada masyarakat setempat untuk lebih mengenali UNISEL ini termasuklah Kejohanan Memancing, Santai@UNISEL Siri 7, Sembang Santai, Larian Universiti Selangor, Konsert Gegariuh dan UNISEL Ponmalai Poluthu.



Karnival



Seminar Pengurusan Tahfiz



SMART Selangor



Ponmalai Poluthu



Larian UNISEL



Kejohanan Bolasepak




Konsert Gegariuh



Bicara Ilmu



Memancing



Seminar jati diri mahasiswa



YB ELIZABETH WONG UMUM PERUNTUKAN RM20 RIBU UNTUK UNISEL

Sempena Hari Terbuka Mega Universiti Selangor (UNISEL) 2017 yang berlangsung di UNISEL kampus Bestari Jaya, YB Elizabeth Wong Keat Ping, Pengerusi Jawatankuasa Tetap Pelancongan, Alam Sekitar, Teknologi Hijau dan Hal Ehwal Pengguna telah mengumumkan peruntukan sebanyak RM20,000 bagi projek penanaman pokok di sekitar kampus UNISEL.

YB Elizabeth Wong mengumumkan berita gembira itu semasa Program Menanam Pokok yang dianjurkan oleh Fakulti Kejuruteraan dan Sains Hayat. Sebanyak tiga jenis anak pokok telah ditanam antaranya Kelumpang Burung (*Sterculia Parvifolia*), Salam (*Syzygium Polyanthum*) dan Bungor (*lagerstroemia speciosa*).



SAMBUTAN 10 TAHUN ASTRO OASIS DI UNISEL

Sempena ulang tahun ke-10 Astro Oasis, saluran televisyen tersebut dengan kerjasama Universiti Selangor (UNISEL) dan KGM Event telah mengadakan Sambutan 10 Tahun Astro Oasis bertempat di perkarangan UNISEL kampus Shah Alam. Program yang berlangsung selama tiga hari itu mendapat sambutan yang amat menggalakkan daripada penduduk sekitar negeri Selangor dan Lembah Klang. Dengan mengetengahkan *tagline* “Dakwah Tanpa Sempadan”, pelbagai aktiviti menarik telah berlangsung antaranya Shah Alam Berselawat, Tazkirah Malam Jumaat dan Konsert 10 Tahun Astro Oasis.

Santai Ustazah Sharifah Khasif



Anak Syurga



UNISEL Berselawat



Tazkirah malam Jumaat

AMANAT TAHUN BAHARU 2018

‘MEMACU KECEMERLANGAN’ DISAMBUT BAIK SEMUA WARGA UNISEL

‘Sebulan Bonus serta kenaikan 3% mendapat tepukan gemuruh warga universiti’



Majlis Amanat Tahunan menjadi satu titik permulaan baharu buat seluruh warga Universiti Selangor (UNISEL) untuk lebih komited dalam menerajui tranformasi yang telah digagaskan oleh Prof. Dato’ Dr. Mohammad Redzuan, Presiden dan Naib Canselor.

Menerusi majlis amanat yang berlangsung pada 4 Januari 2018 lepas, menegaskan bahawa 2018 adalah tahun untuk lebih terkehadapan dan menyeru agar semua staf pentadbiran serta akademik supaya lebih berdaya saing dengan pelbagai inisiatif terkini demi kecemerlangan universiti.

“Pada tahun 2017, UNISEL telah mencatat pelbagai kejayaan dan ini adalah hasil penglibatan kesemua staf dalam aktiviti-aktiviti di universiti. Program yang menjadi mercu tanda kepada kejayaan universiti antaranya adalah tiga kali penganjuran Hari Terbuka UNISEL, Program Bina Insan, Hari Keluarga, Larian Universiti Selangor, Soul Station Oasis dan banyak lagi. Kesemua program

ini telah memberi gambaran baik kepada masyarakat tentang tahap keberadaan universiti yang semakin baik dari sudut persepsi,” ujar beliau.

Tambah beliau lagi, tahun 2017 juga, menyaksikan pelbagai insentif telah diberikan kepada staf antaranya kenaikan pangkat bagi staf yang layak, pembayaran gaji pokok minimum, bonus hari raya dan bantuan persekolahan. Kesemua inisiatif ini merupakan batu lonjakan kepada warga universiti untuk terus memberikan khidmat bakti yang cemerlang.

Dalam pada itu, Prof Dato’ Dr. Mohammad Redzuan juga turut mengucapkan terima kasih dan jutaan penghargaan kepada Kerajaan Negeri Selangor khususnya buat YAB Dato’ Seri Azmin Ali, Dato’ Menteri Besar Selangor telah memebelikan peruntukan tambahan RM37 juta kepada UNISEL bagi tahun 2018 menerusi ucapan belanjawan baru-baru ini. Sesungguhnya keperihatinan Dato’ Menteri Besar akan dibalas dengan sewajarnya demi amanah besar

kepercayaan yang telah diberikan.

Prof. Dato’ Dr. Mohammad Redzuan menerima tepukan gemuruh warga UNISEL apabila beliau mengumumkan kenaikan gaji tahunan sebanyak 3 peratus dan bonus tahunan sebanyak sebulan gaji. Menurut beliau lagi, insentif yang diumumkan kepada keseluruhan staf ini tidak lain tidak bukan adalah bagi menyuntik semangat warga universiti untuk terus memacu kecemerlangan dalam bidang akademik dan pengurusan pentadbiran.

Mengakhiri ucapan, beliau sekali lagi menyeru agar kesemua kakitangan UNISEL untuk terus berdaya saing dalam mengharungi tahun baharu dan bersama-sama mengecapi kejayaan dalam memastikan UNISEL terus cemerlang sebagai sebuah institusi pendidikan tinggi terkemuka di Malaysia. Dalam pada itu, menerusi majlis yang sama turut diadakan montaj Pelancaran Kad Staf Baharu yang akan dikuatkuasakan secara berperingkat bermula Januari 2018.



**TERBUKA
BUAT SEMUA
HARI TERBUKA
UNISEL 2018
(16 - 18 MAC 2018)**

